

KANTON SARAJEVO

SKUPŠTINA KANTONA SARAJEVO

NAROD I PRAVDA

Danijela Kristić, zastupnica

KANTONALNA UPRAVA CIVILNE ZAŠTITE

PREDMET: INICIJATIVA

Dana 10.09.2025. godine zaprimljen je odgovor Kantonalne uprave civilne zaštite Kantona Sarajevo na moje zastupničko pitanje od 14.08.2025. godine zašto KUCZ KS nije postupila po aktu Ministarstva pravde i uprave KS broj: 03-03--04-36724/25 od 07.07.2025. godine kojim je traženo da na osnovu člana 47. Zakona o udruženjima i fondacijama („Službene novine FBiH“, br. 45/02) KUCZ KS izvrši nadzor nad zakonitošću rada Udruženja Gorska služba spašavanja Trnovo.

Sadržaj odgovora KUCZ KS ne pruža bilo kakve objektivne informacije i činjenice zbog čega nije postupljeno po navedenom aktu Ministarstva pravde i uprave KS, te su pojedini dijelovi istog kontradiktorni sami sebi s obzirom da jedan dio negira ili ima potpuno drugačiji stav od drugog dijela odgovora a odnosi se na istu predmetnu stvar odnosno isti član Zakona o udruženjima i fondacijama.

Pripremajući odgovor neophodno je bilo voditi se samim zahtjevom Ministarstva pravde i uprave KS iz kojeg se jasno vidi da je traženo da se „izvrši nadzor nad zakonitošću rada navedenog Udruženja“. Taj nadzor je trebao biti izvršen, u okviru ovlaštenja KUCZ KS čak i neovisno od same prijave koja je dostavljena uz akt Ministarstva pravde i uprave KS.

Kako kroz značajan vremenski period niste dostavili bilo kakav odgovor, nadala sam se da postupate po aktu Ministarstva pravde i uprave KS, te da je to razlog zašto nisam odgovor zaprimila ranije, a s obzirom da se iz Vašeg odgovora može zaključiti da niste postupili u skladu sa nadležnostima i ovlaštenjima koje imate odnosno da Vam možda nisu dovoljno poznata, primorana sam da Vas na ista podsjetim, kako slijedi:

- primorana sam da Vas podsjetim da rukovodite samostalnom kantonalnom upravom koja u skladu sa članom 21. st. (1) Zakona o ministarstvima i drugim organima uprave KS („Službene novine KS“, br. 40/22) ima sljedeći djelokrug: „Kantonalna uprava civilne zaštite vrši upravne i stručne poslove utvrđene zakonom i drugim propisima, koje se odnose na ostvarivanje nadležnosti Kantona u oblasti zaštite i spašavanja, zaštite od požara i vatrogastvo i poslove inspekcije civilne zaštite, inspekcije za zaštitu od požara i inspekcije za vatrogastvo, u skladu sa zakonom.“

- primorana sam da Vas podsjetim kao rukovodioca organa kojim rukovodite da član 6. (Nadležnost KUCZ KS) st. (2) Zakona o nadležnostima organa vlasti KS u oblasti zaštite i spašavanja ljudi i materijalnih dobara od prirodnih i drugih nesreća ("Službene novine KS", br. 39/08, 19/11, 45/15, 33/21) između ostalog propisuje: "Kantonalna uprava, iz oblasti zaštite i spašavanja obavlja slijedeće poslove: a) organizuje, priprema i prati funkcionisanje zaštite i spašavanja na području Kantona,... e) prati stanje priprema zaštite i spašavanja i predlaže mjere za unapređenje organizacije i osposobljavanja civilne zaštite Kantona i opština,... o) vodi jedinstvenu bazu podataka o snagama zaštite i spašavanja u općinama i Kantonu i o svim vrstama prirodnih i drugih nesreća na području Kantona..."

Prethodna navedene odredbe ističu da KUCZ KS **prati stanje zaštite i spašavanja** u Kantonu Sarajevo, te kako se generalno djelatnost navedenog Udruženja odnosi na zaštitu i spašavanje, uvažavajući odredbu člana 47. Zakona o udruženjima i fondacijama koja propisuje: "Nadzor nad zakonitošću rada udruženja i fondacija vrši nadležni federalni odnosno **kantonalni organ uprave u čije područje spada praćenje stanja u oblasti na koju se odnosi djelatnost udruženja** ili fondacije", jasno je da ste trebali izvršiti nadzor što još do danas niste učinili odnosno niste postupili po propisima za čije ste provođenje odgovorni kao rukovodilac samostalne uprave.

Također, s obzirom na sadržaj dokumentacije koju ste dostavili i Vaše akte, proizilazi zaključak da istu Vi niste prikupili na način kako je to trebalo učiniti, te da ste istu upravo Vi dobili od strane Ministarstva pravde i uprave KS i GSS odnosno jasno rečeno da dostavljate nešto što je Vama dostavljeno, a ne što ste Vi trebali prikupiti i konstatovati određene činjenice u pogledu ovlaštenja koja niste izvršili.

U konačnici, na osnovu ovlaštenja koja posjedujem, tražim da u što kraćem vremenskom roku izvršite nadzor nad zakonitošću rada navedenog Udruženja Gorska služba spašavanja Trnovo u skladu sa članom 47. Zakona o udruženjima i fondacijama neovisno od zahtjeva Ministarstva pravde i uprave KS i prijave koja je bila u prilogu, te da mi izvještaj i svu prikupljenu dokumentaciju dostavite u roku od 5 dana nakon izvršenog nadzora nad zakonitošću rada Udruženja.

Sarajevo 12.09.2025.godine

Zastupnice u Skupštini KS

Danijela Kristić